

大日本史


七十四

第二百七十七卷 列傳
 宇都宮公綱 赤松氏範 石
 塔義房 細川清氏 北條
 時行 桃井直常 飽浦信
 胤 楠正儀 小山義政
 第二百七十八卷 列傳
 藤原宣房 藤原為明 藤
 原良基 藤原公賢 藤
 原資名 藤原經顯

一	五	〇	冊
二	五	〇	架
三	九	〇	函
四	九	〇	號
五	九	〇	類

和書門

内閣文庫	
番號	和 20258
冊數	150(74)
函號	138 105
架	冊 〇五
書	六五歴和



大日本史卷之百七十七

淺草文庫

源光圀源光圀列傳第百四十四

權中納言從三位源光圀源光圀修

綱條綱條校

玄孫權中納言從三位治保重校


守都宮公綱從姪泰藤

赤松氏範資正野村地頭職人

石塔義房從賴朝野原守

細川清氏清氏守

大日本史 卷之百七十七 列傳



北條時行

桃井直常

飽浦信胤

楠正儀

小山義政

宇都宮公綱、初名高綱、稱彌三郎、下野人也。

宇都宮系圖、太平記、其先出關白道兼、道兼稱彌三郎、據太平記。

四世孫僧宗圓為宇都宮座主、子孫因氏焉。

宗圓生宗綱、稱座主三郎、為下野守、宗綱生

朝綱、稱彌三郎、為左衛門尉、襲宇都宮檢校、

鳥羽後白河朝為武者所補北面、尊卑分及脈、系圖、及

源賴朝起兵伊豆、擊平宗盛等、東國盡屬焉、

宗盛以朝綱畠山重能等家族亦悉在其下、

因拘留不遣、及戰敗出奔、欲殺朝綱等、賴平

貞能之言、得免而還、貞能據本書及異本平家物語為

平知賴朝授伊賀壬生野鄉地頭職、文治中

朝綱與孫業綱、從賴朝討藤原泰衡于陸奥、

有功、東鑑尋削髮更稱尾羽入道、系建久中以

掠下野公田為國司行房姓所劾奏廷論處
 朝綱于遠謫及孫賴綱朝業賴朝深以為歎
東鑑朝綱生成綱為左衛門尉成綱生賴綱業
 綱永綱朝業賴綱亦稱彌三郎子孫因襲稱
 焉賴綱為下野守宇都宮檢校善和歌系元
 久二年鎌倉流言賴綱圖不軌北條義時欲
 遣兵擊之賴綱懼薙髮抵鎌倉就結城朝光
 獻所剃髻因而得釋東鑑賴綱生泰綱為掃部
 介襲宇都宮檢校泰綱生景綱為下野守景

綱生貞綱下野守宇都宮檢校弘安中蒙古
 寇于西邊北條時宗使貞綱將兵禦之北至
 足平因修繕邊備而還貞綱生公綱歷備前
 權守兵部少輔任治部太輔系以驍武聞元
 弘二年北條高時以京師兵少遣公綱助守
 六波羅會楠正成出兵四天王寺擬復京師
 北條仲時北條時益使隅田通治高橋宗康
 將兵五千往戰于渡邊大見敗仲時謂公綱
 曰勝敗兵家之常雖然渡邊之敗實由謀拙



兵怯以取衆笑。即使此曹再發，豈復能爲嚮使仲時鎮京，重煩足下至，以備緩急耳。今日是國家成敗之機，非足下則不可。公綱曰：二將已挫衄矣，今復以寡臨衆，未見其可也。然公綱自受命西上，思出死力以展效，事之濟否，豈遑計較，乃起而直出，見騎僅十餘，比過東寺，手下兵追至者七百，遇馬騎輒奪之，疾馳。翌日至四天王寺，火傍民舍以進。楠正成避其銳，夜拔營而去。公綱馳騎報捷，六波羅

仲時大喜。公綱以兵寡難前鬪，又恥不見敵而還，因留陣寺內。既而正成夜列炬四山，漸而相逼。公綱嚴兵而俟，如斯數夜，敵終不至。士衆頗怠，各生退思。或諫公綱曰：以寡敵衆，固非良計。嚮敵幸爲我退，是足以藉口。請全軍而還。公綱從之。卽旋。明年北條高時遣大佛高直將兵攻楠正成，于千劔破，久而不效。公綱復受北條仲時指揮，將手兵千餘騎往攻浹旬，破柵薄城，更使士卒前者戰，後者鑿

山三日傾倒樓櫓餘軍傲之晨夜剗掘不已未幾王師復京北條仲時北條時益伏誅公綱與大佛高直等走于奈良楠正成左近衛中將源定平率兵來攻公綱據般若寺拒之相持數日會賜書招諭公綱乃以七百人出降及足利尊氏作亂于鎌倉公綱從新田義貞破之鷺坂復與千葉貞胤從脇屋義助戰于手越河原有功賊夜逃走適公綱族人從宇都宮來會義貞進戰于箱根公綱復有功

尋從義貞禦尊氏于大渡軍敗與大友泰氏降于尊氏先是公綱促發部下留宇都宮者會鎮守府大將軍源顯家將兵入援公綱之兵五百人從之西上至志那濱聞公綱屬尊氏他道至京師公綱併之據神樂岡官軍來攻勢銳公綱請援未至見破遂偕尊氏西奔道還復屬官軍追擊尊氏于豐島河原破之新田義貞西征大軍先發公綱及之賀古川遂從攻赤松則村于白旗城又與脇屋義助

及大井田氏經、攻破船坂山、退禦尊氏于湊河、軍敗還京、扈衛延曆寺、守東坂下、與義貞擊高師重于叡山、卻之山下、擒隆賢、悉殺餘兵、敵兵公綱部下遇之山下、擒隆賢、悉殺餘兵、尋與諸將攻尊氏于京師、連戰不利、及尊氏佯送款、公綱護駕至京、為尊氏所錮、削髮易服、逃還于宇都宮、延元中、帝幸吉野、新田義貞起兵于越前、王師又振、公綱乃率兵五百詣行在、帝慰勞之、詔蓄髮、太平記授左近衛少

將、敘正四位、

太平記

聽升殿、

系圖

源顯家破足

利義詮于利根川、駐陣武藏府、公綱提兵千

餘會之、共攻破鎌倉、遂從顯家西上、與上杉

憲顯戰于青野原、大敗之、及顯家軍敗、還宇

都宮、又削髮、

太平記

更名理蓮、號正眼庵、

系圖正

平七年、帝遣兒島高德赴關東、促新田義貞

之子弟復京師、公綱應之、約舉兵定東國、聞

王師敗于男山、不果、

太平記

十一年卒、年五十

五、系圖公綱累世守下野、以紀氏清原氏為部

曲、兩氏族繁、每出戰必為羽翼、以故兵強甲
一時、目之曰紀清兩黨。太平公綱二子、氏綱、
義綱、氏綱小字加賀壽丸、敘從五位下、為下
野伊豫守。系圖延元初、公綱從源顯家討足利
義詮于鎌倉、時氏綱尚幼、紀黨芳賀禪可挾
之、據宇都宮叛、顯家遣兵急攻三日、禪可力
盡出降、未幾又以氏綱屬義詮、及顯家赴京
師、禪可率清黨千騎戰于青野原、敗、足利尊
氏與直義相持薩埵山、氏綱用藥師寺元可

言、發兵一千五百援尊氏、以高師直族三戶
師親為將、會師親風發自殺、兵士多逃亡、餘
衆大懼、元可曰、是吾宇都宮神、不使他人將
兵也、衆乃推氏綱為大將、直義遣桃井直常
兵七千、逆擊于利根川、氏綱力戰敗之、兵勢
大振、北至薩埵山、直義敗走、後足利基氏以
事削芳賀禪可、越後守護與上杉憲顯、禪可
憤恚、與憲顯戰、見敗、常思有報、伺其往鎌倉、
謀邀擊之、基氏聞而怒、親將兵來攻、禪可遣

子伊賀守高貞綱按異本太平記作貞繩或貞

云公賴後改高貞今從之駿河守高家高家據天正本太平記逆擊

于武藏苦林野大敗禪可出走基氏以為氏

綱與謀遂進兵攻之氏綱馳詣基氏軍于小

山陳無異心基氏意解乃還太平建德元年

卒子基綱為下野守系圖天授六年與小山義

政戰敗死花營三代記鎌倉大草子系圖時年三十一公綱

從姪泰藤系圖泰藤稱美濃將監太平祖泰宗居下野武茂

鄉因為武茂氏系圖至泰藤復稱宇都宮建武二年

記歷任右兵衛尉系圖右馬權頭建武二年左近

衛將監尊卑分脈直武者所建武二年建武初足利

尊氏作亂于鎌倉破官軍于箱根長驅犯京

泰藤從脇屋義助拒敵于山崎不利遂與諸

將俱扈蹕保延曆寺及尊氏納款車駕還闕

泰藤從新田義真奉皇太子北走越前與脇

屋義助等投瓜生保之杣山城會保屬足利

高經閉城不納乃奔于金崎城高經與高師

高經閉城不納乃奔于金崎城高經與高師

高經閉城不納乃奔于金崎城高經與高師

泰率保及北地諸兵來攻金崎城亡何保聞
弟義鑑謀為義貞援密圖逃還時泰藤亦降
在師泰下一日與天野政貞在營可否北條
新田足利三氏旗號泰藤右新田氏政貞然
之保竊聽聞之因厚結二人遂用密計俱脫
還于杣山城師泰遣兵來攻泰藤襲擊于湯
尾驛走之尋與保兄弟往援金崎城戰于敦
賀津反為所敗保義鑑死之脇屋義助與高
經戰于鯖江泰藤與政貞等共擊走之太平記

泰藤薙髮號蓮帶終于參河系圖子孫更氏字

津後以大久保為氏大久保系圖○系圖曰武茂綱家子持綱嗣本

宗疑泰藤子孫也今無所考五十二

赤松氏範○範或則村子也為人悍勇有膂

力為彈正少弼太平記赤父歿與諸兄不睦

因歸順太平記賜攝津中島及有馬備前馬屋

鄉為食邑赤松略譜正平八年從中納言藤

原隆俊攻足利義詮于京師義詮兵敗走氏

範抽已軍追至北白河敵兵長山賴基恃勇

緩轡徐退、氏範馳騎及之、賴基旋馬、舉大斧奮搥、氏範、氏範側身少卻、攬其柯、捩折奪之、賴基懼而逃去、氏範執所奪斧、追擊走者、所殺甚多、十年與山名時氏、從足利直冬復攻、足利義詮於神南、足利尊氏逼東寺、氏範與桃井直常出戰、不利而退、敵躡後攻之、氏範從士小牧五郎左衛門被傷、不能步、氏範將扶去、直冬麾之防敵、氏範乃擲小牧於門內、力戰卻敵、斬殺無計、○按北條家本南都本太平記曰、氏範與小里

兵庫助日吉八郎戰、被創入城、十五年畠山國清來犯行宮、

氏範將吉野十八鄉兵、從征夷將軍陸良親

王禦之、既而陸良反、帝遣前關白師基討之、

寸分鄉兵不戰散走、殘兵無幾、氏範曰、見危

而去不義也、率二十五騎與師基戰一晝夜、

○見行本太平記作三身被數創、力盡而降、日夜、今從西源院本、

還播磨、太平記二十四年起兵中島、足利義滿

遣氏範兄則祐光範擊敗之、氏範走天王寺、

花營三元中三年戰于播磨清水、敗與子氏



春家則祐春秀則及從兵百餘人皆自殺時年五十七家士伊藤民部今村五郎扶少子

乙若丸走薩摩赤松系圖平城

石塔義房稱少輔四郎足利尊氏之族祖也

父賴茂始以石塔氏焉尊卑分脈○按太平記塔或作堂蓋誤

自尊氏舉兵義房與子賴房義基俱從其軍

太平記難髮名秀慶出為陸奥鎮將屢往來其

地參取結城文書佐竹興國元年鎮守府大

將軍源顯信至陸奥義房出兵遮之顯信不

得入府退陣中途結城文書三年顯信率結城親

朝及其子姪來攻義房軍敗棄營而逃阿蘇社文

書結城文書既而復招聚國人與顯信相持結城文書

相馬傳誘降親朝及伊達氏族於是關東悉降

結城文書無何尊氏使吉良貞家代義房鎮陸奥

結城文書相馬家傳義房罷還正平五年足利直義歸

順尋復反與尊氏連和又構兵相攻義房終

始從直義及尊氏至薩陸山直義令義房及

上杉憲顯圍之尊氏兵疲糧乏義房等侮之

不急攻、既而直義軍敗、義房乃與直義歸尊氏、不為尊氏將士所禮、義房愧悔、會直義死、失所憑、意益不安、遂謀歸順、及新田義興起、兵上野、來討尊氏、義房與三浦高通、二階堂政元等潛應之、約臨陣斬尊氏而降、義房以計告子賴房、賴房不應、告變尊氏、義房懼、即夜與高通等以兵三千餘出奔、會義興于關戶、與俱攻取鎌倉、亡何、義興敗走河村城、義房遁、匿駿河、足利義詮逼駕于男山、義房與

吉良滿真奉詔不援太平記不知所終、三子賴

房、義基、範家印本尊賴房自傳

細川清氏初名元氏、稱彌八、和氏之子也、歷

左近衛將監阿波伊豫守、為相模守、至從四

位下尊卑為人驍悍多力、正平三年從高師

真與楠正行戰四條畷太平記六年從足利尊

氏攻桃井直常于涼師、又從攻足利直義於

八相山、皆有功、七年與細則顯氏圍官軍于

男山、明年山名時義將官軍攻足利義詮、義

詮陣神樂岡拒戰諸軍皆敗清氏獨保比叡
 山、尋從義詮奉後光嚴院東徒園太曆記路憇
 鹽津、村民四面鼓噪、軍士棄後光嚴輿散亡、
 清氏親負後光嚴走美濃、十年從尊氏攻足
 利直冬于京師、大戰西條天宮、敵騎有佯稱
 桃井直常出挑清氏、清氏徑前、摔其首、接馬
 鞍斬之、遂擊走直冬、十四年為義詮執事、從
 攻金剛山、清氏別與土岐直氏赤松範實圍
 龍泉寺城、數月不拔、太平一日直氏侵晨拔營進

攻清氏聞之疾驅直傳城門、旗卒遇嶮不得
 前、清氏親攬旗先登、直氏兵競進攻之、城陷、
 時佐佐木高氏屢構邪議、排擠執事、亦因事
 與清氏生嫌、十六年義詮約七夕為七百番
 歌合於清氏家、高氏聞之、競飾居宅、盛設茶
 菓、奇觀、要義詮邀己家、繇是二人益相猜阻、
 會清氏冠二子、奇八幡宮、皆名以八幡、義詮
 謂犯曩祖名稱、其志不可測也、高氏因欲加
 傾陷、構造咒詛事、以證其迹、義詮益怒、與之

俱謀誅清氏

太平記

清氏將修佛事夜適天龍

寺

東寺長者補任太平記

從士頗多於常義詮聞而大

怖以為謀洩蒼黃出走新熊野清氏驚還使弟僧璵啓義詮曰今夜巷議紛紜始未測其由聞變遽還不意事由臣故也臣於將軍未有絲毫所負儻為膚受所誤枉害不辜非帝取笑於敵國終恐為亂階也伏願事付有司窮覈虛實明施之罰臣甘就戮于轅門義詮不答清氏欲俟其來討自殺與弟賴和將氏

從弟氏春等戒兵自備士眾集者七百經二日義詮未能出兵清氏謂集兵于輦下恐致騷擾不如退而陳謝遂走若狹若狹其領國也族黨追及途勸曰京師兵寡公以此眾何遽走邪清氏駐馬諭曰卿等其謂我怯而走乎令我致戰烏合懦兵何足畏也第顧君臣之義死不可闕故欲退而明寃耳今行就死亦不自惜只恐讒夫橫行將軍喪國無日因慨然流涕從兵悉沾襟清氏又謝遣氏春

將氏曰、我負罪逃竄、而弟等相從、友義之厚、感激無已、然弟等非獲罪於將軍、今日相從、死且有罪、請自是訣別、弟等敬奉將軍、訟我冤、且存父祖之宗祀、是為兩全之策、二人固請從、清氏懇諭曰、今與弟等俱偕、則讒者藉口、以取信於我、實叛也、二人不能已、還涼、清氏走據小濱城、清氏初無叛意、但以高氏所聞、故一旦迴避、庶幾乎義、詮有所回悟也、義詮遂不察、使斯波氏賴、仁木義住來擊、清氏

嗤曰、兒輩我防汝不用兵、惟以二三白挺而足耳、氏賴先鋒至、敦賀、清氏遣數卒、放火呼噪、敵兵以為清氏至、不戰而走、氏賴繼至、清氏曰、我行矣、不使一人生還也、留頓宮、藤康守城、自出拒戰、藤康俄叛、從城後、延敵、清氏從士駭散、與賴和率殘兵五十騎、殘兵據後愚昧記走攝津、因石塔、賴房歸順、時仁木賴夏走伊勢、氏春走淡路、松山某起于攝津、各集兵應、清氏、畠山國清據伊豆、其弟義深、徇信濃、竝

大日本史 卷一百七十一 十五
張官軍聲援、清氏乃上奏曰、自逋逃之臣歸罪于闕下、四方兵士、爭效義舉者日多、而京師素無勝兵、亦且與山名仁木相持于外、臣於此時、身為先鋒、與和田楠等、進突其虛、一戰可殲、而臣等謹掃除宮闕、奉迎鑾駕、近在歲中矣、帝許之、楠正儀固陳不可、而帝意切恢復、是以不聽、以中納言藤原隆俊為將、清氏及石塔賴房、楠正儀從之、軍至四天王寺、氏春以舟師八十艘來會、足利義詮陣于東

寺、分遣佐佐木高秀、今川貞世等迎防、衆議所向、清氏曰、彼之情形、僕素所審、高秀、貞世怯懦易與、必不抽一箭抗我也、及戰洛中、臣等直衝中軍、義詮何得全、天下成敗、在茲一舉、諸將從之、高秀果不出、貞世望風先逃、其餘莫敢出拒者、義詮奉後、光嚴走近江、官軍進入京師、放火燒義詮家、初朝議以清氏久為義詮執事、專握兵權、威名素重、授以將帥之任、謂必當招徠士衆、特樹大功也、至是不

血兵取京師、走後光嚴、而無一人來附者、四方勤王師亦以路梗不得時進、軍情危懼、無何足利義詮董督大軍、水陸進逼、官軍勢孤、援竭、皆引去、清氏走河內、明年春走讚岐、保白峯城、計再舉復京師、氏春及弟信氏、小笠原宮內大輔率兵應之、足利義詮遣細川賴之來攻、賴之清氏從弟也、因其母詐招諭清氏、往返數日、賴之繕完城備訖、不復通問、既而飽浦信胤自備前來援清氏、小笠原美濃

守出兵斷賴之歸路、於是軍又振、賴之遣家士新開真行、攻中院少將所守西長尾城、清氏使賴和氏春往援之、真行夜潛軍、由間道轉白峯麓、直出城下、賴之將五百騎詰朝至、城後、清氏恃勇侮敵、輕騎突出、手斬數十人、敵軍披靡、清氏揮刀逐之、敵卒跳下溝、竊刺其馬、清氏欲奪敵馬、佯為被創、下馬杖刀立、敵兵真壁六郎馳赴之、清氏奮起、掀六郎、將躍上其馬、伊賀高光續至、搏清氏、清氏拋六

郎、腋高光方摸腰刀擬斬之、高光伺隙三刺清氏、遂被害、賴之兵代入白峯城、真行斂兵而還、賴和等聞敵退曰、是誘我分兵也、乃馳還救清氏、遂與真行合戰、大敗之、進至白峯、始聞清氏戰死、城陷、遂走淡路、時城壁堅固、士衆精強、由清氏輕率少謀、竟致敗歿、自是四國悉陷于敵、官軍聲援日縮、時議惜焉、太平

高子昌氏稱八郎太郎、為阿波守、尊卑
分脈

北條時行高時第二子也、太平小字勝長壽

丸、保曆間記 ○ 太平記 或作 桃壽兆壽全嘉未知孰是 稱相模二郎高

時為新田義貞所攻、逃葛西谷、時行猶在襁褓、從母子別第、家臣諏訪盛高圖竊匿之、恐女輩知謀、於後事漏、乃往誑言、主公欲一與郎君相訣、速見付與、聞太郎君既為寇所殺、臣恐此行亦定難免也、諸傳母抱而泣、盛高陽怒取之而去、適信濃、匿諏訪祠、官諏訪賴重家、建武二年、藤原公宗謀反于京師、潛命時行起兵相應、既而事發、公宗伏誅、太平時

卷一百七十七
百七十七
十一

行乃與諏訪賴重等招聚餘黨旬日得五萬
餘人進赴鎌倉連鬪皆克至井出澤與足利
直義戰走之遂入鎌倉兵勢大振太平記參取元弘日
記裏書梅松論保曆間記朝廷遣足利尊氏來討時行遣
名越時基等兵五萬邀而拒之亦發大風夜
起鎌倉民家多倒軍士避之太佛殿中俄而
佛殿梁木為風破折壓死者五百餘人皆知
軍行不利也時基更擇自陪道而進遇官軍
于橋本拒戰會後軍多自潰時基乃退戰佐夜

中山箱根等處皆敗阻相模河而陣時河水
暴漲時基以為敵不輒濟方休士馬集迸散
而官軍乘夜潛涉表裏夾擊時基狼狽僅與
三百餘人走還鎌倉賴重等乃使時行先逃
與殘兵四十餘人自殺竝皆斃面使不可辨
官軍入鎌倉檢視死屍以為時行亦死也太平
記時行方幼且其將士太佛名越等子弟亦
皆嘗潛匿為僧不習兵事故自兵起僅二旬
而敗矣當時謂之二十日前代或中前代云

大日本史
卷一百七十七
川傳
十一

梅松論 自後時行轉徙無常、延元二年、聞帝為

足利尊氏所逼、潛幸吉野、四方起兵、勤王、時

行遣使行在謝罪、請討尊氏兄弟、自效、帝聽

之、會鎮守府大將軍源顯家帥陸奧兵西上、

時行以兵五千發伊豆、從擊足利義詮于鎌

倉走之、遂至美濃、義詮之將上杉憲顯、桃井

直常等、自後起躡顯家軍、大戰于青野原、洲

股、時行有功、遂從顯家轉鬪至和泉、太平記與

高師直戰堺浦、顯家中矢而薨、軍士潰散、參取

元弘日記、太平記、保曆間記 時行赴行在、太平記授左馬權

頭、三年、義良親王出鎮陸奥、時行從宗良親

王航海、先發抵遠江、與今川範氏兵戰于匹

馬驛、破之、義良親王舟遇風不至、時行與宗

良親王投井伊介高顯、金勝院本、太平記興國元年

春、高師泰來圍井伊城、連月不解、至秋、城陷、

參取保曆間記、鶴岡社務記宗良親王奔越後、李花集時行

亡、匿東國、正平七年、從新田義興攻鎌倉、走

足利基氏、共入居鎌倉、無何、義興敗走、據河

丹波
卷之七
丹波

村城尋赴越後時行匿在相模圖再舉義明年就擒遂斬于龍口長崎駿河四郎工藤二

郎亦從死鶴岡社務記

桃井直常足利義康之裔也高祖父義胤始

居上野桃井子孫因氏焉尊卑分脈直常鷲勇絕

人太平記歷右馬權頭刑部大輔彈正大弼太

駿河守為播磨守尊卑分脈太平記足利尊

氏用為越中守護太平記延元元年鎮

守府大將軍源顯家將兵十萬餘攻鎌倉直

常從足利義詮禦之大敗走箱根明年顯家

乘勝至京師直常與諸將出躡顯家駐陣于

青野原直常與土岐賴遠簡銳卒一千餘直

衝其陣奮鬪數十合身被三創從士死傷略

盡僅引數十騎入京師顯家至奈良足利尊

氏欲攻之難於擇將高師直曰桃井兄弟勇

警敵軍不如遣之尊氏從之直常與弟直信

受命即日赴之顯家距般若坂直常激勵士

卒曰我兄弟特當此選今日戰或不利併廢

大
卷之七
傳

前功汝等努力士衆競進決戰大破之顯家
挺身脫走尊氏未錄其功直常快快不悅會
顯家弟顯信收集散卒陣于男山尊氏欲遣
諸將擊之將士視直常等無賞莫肯往者於
是高師直舉族赴戰不利直常聞曰我雖不
受命忍坐視其敗乎乃竊馳至男山戰一日
夜殺傷甚多死者枕藉世名其處曰桃井塚
正平五年足利尊氏與弟直義構嫌隙直常
密通意於直義及尊氏西擊其子直冬直義

潛逃歸順直常還越中起兵與直義約期攻
足利義詮明年直義陣于男山直常將北兵
發越中會大雪沒馬足乃令士卒乘橈前行
而后徑開人馬通行進至延曆寺舉火諸峯
義詮懼而西走直常入京師義詮與尊氏軍
合來攻直常迎戰互有前卻各罷而休兵佐
佐木高氏兵七百餘斷直常後軍分爲二直
常兄弟下馬安坐大呼曰死生在天汝曹勿
退一步戰數刻尊氏義詮扼其歸路直常三

方受敵兵士皆疲遂敗走關山明日尊氏西走直常復入京師既而尊氏與直義講和直常及石塔義房等恃勢伐功與仁木賴章細川賴春土岐賴康佐佐木高氏等不協太平記直常夜造直義而歸有人自暗中刺之直常衷甲因得不洞乃擒刺者園太曆已而賴章賴春等皆逃歸領國謀事於是直常與義房等勸直義走越前太平記尊氏兵至近江直義命直常及細川顯氏畠山國清拒之不利諸將

皆北直常獨留陣三日部下皆勸歸遂引兵還于越前天正本太平記是行也細川顯氏畠山國清說直義與尊氏講和直常固爭以為不可顯氏等忿歸尊氏自後兵士相繼逃亡直常復勸直義走鎌倉太平記細川顯氏據天正本太平記園太曆尊氏將兵來攻宇都宮氏綱率兵助之直常迎拒被敗直義兵亦大敗遂降于尊氏直常逃歸越前七年足利義詮逼車駕于男山直常與左近衛少將新田義宗等奉敕入援進至

能登車駕已出圍，乃斂兵歸國。七年，義軍竝起，直常亦舉兵信濃。本國豪族野尻井口氏等應之，奔赴日多。將進攻富樫介能登加賀兵士三千餘來拒，陣未成列，直常掩擊大破之。至夜，直常欲議軍事，潛赴井口城，會能登加賀兵士三百餘來請降。左右不知直常所在，由是營中大騷擾失火，降卒乘亂反擊，斬獲三百餘人而歸。直常在途顧視營壘火起，以為敵軍來襲，將還拒之。有敗卒急呼曰：

事敗矣，請速走。直常不知所為，遂走投井口

城。太平記○毛利家木天正本曰：十九年直常降足利氏，而諸本皆曰：二十一年足利

義詮使斯波義將擊直常，後薙髮匿京師，二其顛末不可考，故不書。

十四年走越中起兵，拔松倉城。建德元年更

發兵，遣子中務少輔直和出陣長澤，守護斯

波義將併富樫竹筒丸兵來攻，直和敗死。餘

衆走投松倉城，尋又離叛。直常亡匿，明年再

舉兵越中，與義將兵戰不利。又與能登兵戰

于後位莊。花營三代記、本書子中務少輔作右馬助，今從尊卑分脈，本書義將

作義經、據太平記、及尊卑分脈訂之、遂為義將所敗、太平不知

所終、中興、義經、六、不、

飽浦信胤稱三郎、備前人、太平記佐佐木秀義

之後也、祖胤泰始稱飽浦氏、父長胤薩摩守、

信胤歷任左衛門尉、備前守、佐佐木建武初

與田井信高俱據備中福山、應足利尊氏與

細川定禪俱攻京師、延元四年以備前兒島

歸順、先是高師秋通右大臣藤原兼季侍女、

兼季據公信胤視其有姿色、又因私焉、師秋

不之覺、方赴伊勢、請載偕行、侍女偽許之、退

誑一老婆曰、嫗年老無子、克從我東下、老婆

曰諾、及夜師秋迎輿至、女便推老婆乘輿去、

師秋大悅、直就途、至明、視輿中老婆、大驚、以

為狐狸、將格殺之、老婆涕泣告狀乞哀、師秋

怒見賣、馳還本所、索之已亡、執婢問訊、聞在

信胤所、愈怒、將攻之、信胤懼走備前、遂歸順、

明年攻小豆島、破敵軍、遣使請得主將、徇中

國、時讚岐國司藤原有資、伊豫守護大館氏

大日本史 卷一百七十七 列傳 三十五

明竝使使乞兵帝命刑部卿脇屋義助應赴以路梗未進適信胤使至報捷帝大喜敕旨慰勉授薩摩守義助尋發信胤率戰船迎候俱進至伊豫義助暴病卒信胤引兵歸及細川清氏與細川賴春相攻于讚岐信胤率舟師斷賴春漕運太平記不知所終太平記楠正儀正成子正行弟也太平記任左衛門尉園太曆太平記兼河內守金剛寺文書遷左馬頭觀心寺文書兄正行正時戰歿正儀留太平記松尾寺文書

居河內高師泰築壘石川攻正儀畠山國清尋代之正儀始終固守正平五年國清從足利直義歸順太平記正儀因出兵為之聲援園太曆七年足利義詮送款帝親御軍宣言幸京師實欲襲義詮行次往吉伊勢國司右衛門督源顯能將伊賀伊勢兵三千自丹波路進正儀與和田正忠率兵五千夜渡桂川味爽與細川顯氏戰敗之斬其從子八郎細川賴春踵至正儀兵以楯為梯登屋亂射敵兵披

大日本史 卷一百七十七 列傳 三十六

靡正儀縱騎突擊斬賴春義詮走近江車駕
駐驛男山義詮以太衆來迫正儀正忠率兵
三千拒之荒阪山稍得利然衆寡不敵退陣
男山敵兵合圍勤王兵不至衆議令正儀正
忠還河內募兵正忠還家暴病死正儀逗撓
不以時赴援王師終敗績義詮復陷京師時
人謗正儀謂墜其家聲太平記既而正儀發兵
與吉良滿貞石塔賴房等攻攝津擊守護代
某走之園太曆明年與和田正武從中納言藤

原隆俊會山名時氏攻義詮於京師義詮陣
神樂岡出兵蔽林間正儀等欲知其衆寡使
兵五百下馬徒步以誘之徐近敵陣佐佐木
信詮出戰正儀擊卻之義詮不戰而遁十四
年畠山國清大舉西上足利義詮統國清等
諸將犯天野行宮正儀與和田正武入奏曰
是戰臣等爲官軍保必勝也夫所貴乎兵者
三焉曰天時也地利也和也今歲大將軍
在西利東討不利西征道誓出兵向西是逆

天時也。官軍所守前大河，後深山。元弘以來，賊來攻數四，每不利而退。是我得地利也。道誓外藉軍興，內實欲專功邀賞，倫輩嫉之，是失人和也。失此三者，雖百萬兵不足畏也。但行宮地勢不便，請暫移蹕觀心寺。臣等據千劍破，日夜拒擊於龍山石川。又令湯淺山本恩地贄河諸族從紀伊守護代鹽治某守龍門山，縱土兵擾敵。今其不得休息，敵必倦而引還。臣等乘機追擊，破之必矣。帝深然之。移

御觀心寺。正儀乃築龍泉龍門平石八尾等砦，分兵守之。自以兵三百據赤坂城、畠山國清等陣、津津山，分攻諸砦，陷之。進攻赤坂，正儀退保金剛山，誘之。義詮尋引還。果如正儀所料。正儀又出兵渡邊。先是國清與仁木義長爭權相傾，至是托事于防禦，私出兵。正儀復入金剛山，國清與義長將交兵。義長幽義詮，變起蕭牆。於是所在官軍竝起，諸城望風潰走。正儀攻取水速城。十六年，正儀攻佐佐

木秀詮及弟氏詮於攝津破之殺獲二百七十餘人溺水者甚多追斬秀詮氏詮錄俘虜悉給衣藥放還是歲細川清氏降奏請發諸軍復京師帝召正儀議對曰元弘以還王師復京凡五多不假師徒所苦威力不繼是以雖屢得之亦屢失之今欲取之不須清氏之力臣一人足以辦之只恐取之後不復能守也若恥棄之致戰則舉今版圖所有併失之臣愚未視其可也而帝及公卿侍臣情切于

還故都是以不從遂命正儀與清氏俱進赴京師十二月官軍復京師頃之足利義詮督水陸軍來迫明年正月官軍棄京南走果如正儀言清氏走阿波與正儀期東西同舉未幾清氏戰歿王師殆燼正儀懼敵勢乘勝官軍沮喪欲一戰為之氣鳩集民兵得六千餘人進攻攝津拔淨光寺砦又與石塔賴房攻赤松光範退次尼崎聞敵發大兵來引兵還河內太平記居久之任左兵衛督二十三年帝

崩

花營三代記

正儀竊懷二志

後愚昧記

細川賴之乘

機誘之正儀竟決策

豫章記

明年春密款于足

利義滿

後愚昧記花營三代記

義滿即馳檄和泉河內

宣告國父曰楠正儀已降我

花營三代記

楠氏宗

族勤王者不應之合從改正儀

後愚昧記

細川賴

之與義滿議遣赤松光範細川賴元率兵救

正儀未至正儀出城遁至四天王寺

後愚昧記花營

三代記遂入京與賴元相見明日謁義滿尋還

河內建德元年和田正武發兵與其宗族俱

討正儀正儀不利復逃歸義滿明年夏義滿

遣正儀還河內因發大兵為之聲援

花營三代記

是役也諸將皆謂正儀不得保河南矣遂遂

巡不進細川賴之勸義滿要諸將強令渡河

後愚昧記

至秋正儀得還河內

花營三代記

正儀既降

義滿北主罷其官職

渡邊文書

數歲授中務大輔

通法寺文書多田院文書渡邊文書弘和初歸順

參取通法寺文書多田院

文書三刀屋文書渡邊文書

其為左兵衛督仍舊

渡邊文書

滿命和泉守護山名氏清來攻正儀與氏清

戰于平尾敗績和漢合運曆通法寺宗族六

人家人百四十人死之和漢合運曆通法寺正儀引歸保

其舊邑通法寺尋拜參議觀心寺元中中卒

按正儀卒年諸書無所見然今據觀心寺文

書二見文書渡邊系圖等考之弘和三年十

二月正儀尚存明年改元元中而元中七八

年之際正儀已卒子正勝執其家政然則正

儀之卒在元中可知也正儀為人遲重好謀誠信接物

其行兵莅敵先謀後戰故多不至敗而至於

決機應變又其所短也太平記正儀嘗與赤松

光範連疆相攻光範部下宇野正寬為兒時

父為正儀兵所殺正寬白光範曰正儀君之

寇而父之讐也願委質正儀徐圖之光範壯

其志與名刀遣之正寬至赤坂因人干正儀

正儀召見厚加撫慈正寬亦深感恩眷久之

忘其讐及年十五與之食邑辭而不受當亡

父七回忌日欲遂行初心促膝按刀視正儀

温然而坐遂不忍進刺起出于外大慟哭正

儀怪問其故正寬以實告之拔刀將自殺左

右抱持止之於是正寬剃髮為僧作書致光

大和 應永 記 本 書 單 稱 楠 不 名 然 當 不 知 所 終 後 數 十 年 楠 氏 族 匿 大 和 河 內 際 欲 圖 興 復 者 相 踵 不 絕 云 參 取 後 崇 光 院 御 記 今 川 記 季 瓊 日 錄 小 山 義 政 下 野 人 朝 政 九 世 之 孫 也 尊 卑 分 祖 秀 鄉 著 勲 于 國 子 孫 為 名 族 小 山 氏 為 其 宗 東 鑑 結 祖 秀 朝 初 名 高 朝 稱 大 夫 判 官 元 弘 中 從 北 條 氏 軍 攻 笠 置 及 楠 正 成 城 光 明 寺 藏 書 殘 篇 太 平 記 初 名 據 尊 卑 分 脈 及 元 弘 日 記 裏 書 及 新 田 義 貞 起 義 秀 朝 出 屬 之 破 金 澤 貞 將 于 鶴 見 俱 進 攻 鎌

範并返所授刀其得士心如此吉野子正勝拾遺

為右馬頭及父卒領其眾渡邊系圖二見文書按正勝為正儀

子實錄諸書無所見元中九年春與畠山基

國戰于千劔破城不克奔歸吉野渡邊系圖是年

南北講和帝還幸京師正勝鬱鬱不得志應

永六年夏大内義弘與足利義滿有隙據堺

城作亂遠近大震正勝將兵三百與菊池肥

前守援義弘至冬城陷義弘鬪死正勝謂其

徒曰徒死無益乞降亦吾所恥也乃引兵走

大和應永記本書單稱楠不名然當不知所

終後數十年楠氏族匿大和河内際欲圖興

復者相踵不絕云參取後崇光院御記今川記季瓊日錄

小山義政下野人朝政九世之孫也尊卑分脈曩

祖秀鄉著勲于國子孫為名族小山氏為其

宗東鑑結祖秀朝初名高朝稱大夫判官元

弘中從北條氏軍攻笠置及楠正成城光明寺藏

書殘篇太平記初名據尊卑分脈及元弘日記裏書及新田義貞起義

秀朝出屬之破金澤貞將于鶴見俱進攻鎌

倉克之太平尋為下野守尊卑分脈建武二

年拒北條時行軍於武藏府不克死之元弘

裏書梅松論天有二子曰朝鄉曰氏政尊卑分脈

朝鄉少名今犬丸幼而繼家足利尊氏之反

也朝鄉從之有功按梅松論天正本太平記○

為左衛門尉尊卑分脈延元中為官軍所虜

將抵刑結城宗廣以其宗族請拘吾隊中後

還國復黨尊氏準大臣源親房之在常陸招

致近國將士朝鄉有歸順意將應之然而尚

懷觀望遂不果結城早死常樂弟氏政嗣即

義政之父也尊卑分脈氏政為左衛門佐尊卑分脈

記正平七年帝御男山將圖京師使兒島高

德赴東北諸國起兵援男山新田氏族及氏

政與宇都宮公綱等皆應之而以男山失守

不果太平尋死義政嗣為左馬助鎌倉大任

下野守尊卑分脈天授六年義政起

兵鎌倉大宇都宮基綱來攻義政逆擊斬之

裳原花營三代於是足利氏滿發關東十

大日本史 卷一百七十七 列傳 三十三

大日本史 卷一百七十七 列傳 三十四

二國兵出陣武藏府遣上杉憲方攻義政義

政禦戰不利鎌倉大草子遣使請降氏滿聽之花營

三代記鎌倉大草子既而義政不果降弘和元年春氏

滿亦發大兵出陣武藏村岡遣上杉朝宗及

木戶範秀來攻義政據鷲城禦之白旗一隊

先衆而進攻破外郭義政勵衆奮擊卻之殺

傷甚多相持數月鎌倉大草子義政或設伏

絕敵糧道或放火燒敵營僧賴印朝宗等今

士卒運艸填湟因攻之義政亦出兵禦之敵

多被創敗而退鎌倉大草子至冬城中糧殆

盡亦無後援鎌倉大草子義政使僧請降且曰君

幸聽僕之所請則僕薙髮為僧付與家務於

子若犬丸矣氏滿又聽之於是義政去鷲城

付之二將率衆徙祇園城遂剃髮改名曰永

賢氏滿遣梶原道景三浦某檢之今若犬丸

繼家鎌倉大草子氏滿素不信義政降僧賴印

狀以故不速解去至明年義政自火祇園城

入糟尾山中據嶮為壘謂之櫃澤城分遣士

卒於長野寺窪城守之鎌倉大草子、僧賴印行狀又購芻

蕘獵者、運糧備之、氏滿憤曰、我屢為義政所

紹、今我不視義政首者、不敢旋師僧賴印復

使上杉朝宗、木戶範季攻義政甚急、白旗一

隊為其先鋒、攻長野城陷之、尋亦陷寺窪城、

鎌倉大草子、僧賴印行狀明日諸軍並進攻櫃澤城、義政

軍敗、不可復戰、父子乘夜而逃僧賴印明日

敵兵追及、義政自殺、若犬丸乘間亡去、元中

三年、若犬丸據祇園城起兵、守護代木戶修

理亮發國兵來陣、不可惠山可一作留若犬丸襲

擊走之、足利氏滿又自率兵至下總、陣古河

城、若犬丸察其勢難敵、弃城而逃、氏滿令國

中索之不得鎌倉大草子、僧賴印行狀自後若犬丸轉徙

無常、應永三年、至陸奥、密招聚嘗勤王者子

姪、因圖舉義、田村莊司坂上清包應之、先是

新田義宗子義則義則名據喜、連川系圖匿在陸奥、若

犬丸與清包議立義、則為將、唱義於近國、武

藏、上野之義徒盡至、若犬丸乃與義則清包

等領其兵出將至白河關足利氏滿自督關
 東十國兵至白河若犬丸等知終不可敵自
 潰去後不知所終有二子尚幼匿在民間葦
 名盛政執致鎌倉沈之六浦海鎌倉大

大日本史卷之一百七十七終

大日本史卷之一百七十八

列傳第一百五

權中納言從三位源光圀

男權中納言從三位綱條

玄孫權中納言從三位治保重校

藤原宣房

藤原為明

藤原良基

藤原公賢

藤原資名

弟資明

藤原經顯

藤原宣房元名通俊從三位資通之子

分尊卑

公卿補任

家號萬里小路或吉田

分尊卑

龜山朝敘

從五位下累進藏人頭兼左中辨拜參議兼

彈正大弼後二條帝崩宣房罷官在散班十

餘年及後醍醐帝即位復出仕甚見寵待任

權中納言

公卿補任

帝謀誅北條氏事頗洩高時

執致權中納言藤原資朝藏人頭藤原俊基

于鎌倉諸公卿皆懼竦足而立其夜帝顧前

權中納言藤原冬房

或作冬房

曰資朝俊基

被虜不知高時更作何兇卿善為計對曰比

來武臣跋扈宜先賜告文以止其怒即命屬

稿帝攬讀之泣下濺紙上親以御袖拭去左

右莫不悲惋也

太平記

令宣房齎以往諭及見

高時開諭辨明事賴而解二人獲不死

參取

太平記

還為權中納言

公卿補任

敕聽帶劍尋轉

正公卿補任

及帝幸笠置宣房以子藤房季房預

謀故見拘、參取公卿補任、增鏡、光光嚴院削

宣房等十人官爵、鏡增北條高時以其有時譽、

放還于家、奏請復官、光嚴院許之、遣藤原資

明諭起、且曰、若見奉命、郎君亦必被召還復

舊職也、某為足下保之、記太平宣房乃出仕、公

補任、太平帝還京師、仍官如故、兼陸奧出羽按

察使、尋辭之、陞從一位、延元元年薙髮、公

及帝再幸延曆寺扈駕、又從還京師、太平復

事光明院、宣房歷仕累朝、公博通典故、萬

記、卧雲其日錄有萬一記、萬一子藤房季

房自有傳、養孫仲房襲家、公正平六

年詣吉野行在、園太平以事不適不容還、園

曆後事後圓融院、官至準大臣、公

藤原為明、權中納言為藤之子也、永仁四年

叙從五位下、為侍從、尋任左近衛少將、正中

三年轉左近衛中將、公能和歌、後醍醐帝

每置和歌會、輒召預焉、及討北條氏之謀泄、

囚於六波羅、將推鞠、以為彼歌人、非可容疑、


唯數預讌集、儻知上旨、欲脅而得其實、敷青
竹于熾炭上、將曳而蹈之、為明神色不撓、徐
索硯作歌曰、於毛比幾夜、和我志幾志磨能、
美知奈羅傳、宇幾與能古斗遠、斗波流倍志
斗波、常葉範貞等讀之、嘆異、不問而罷、帝之
出闕、從大納言藤原師賢、適延曆寺、事敗、赴
笠置、城陷、見執太平記、從尊良親王、遷於土佐、
增鏡、新葉和歌集、事平還京師、正平中、崇光院授從
三位、及南北和好、詣吉野行宮、任參議、十四

年轉權中納言、兼侍從、明年敘正三位、公卿補任

後光嚴院命撰新拾遺和歌集、未成而薨、尊卑

分脈拾芥鈔

藤原良基、關白道平子、元德初任權中納言、
尋辭之、光嚴即位、復任本官、後醍醐帝入京、
轉權大納言、後事光明崇光、後光嚴、後圓融、
四主、進右大臣、兼皇太子傅、正平中為關白、
氏長者、敘從一位、轉左大臣、後辭關白、弘和
中拜太政大臣、為攝政、元中五年薨、年六十



九、公卿補任○尊卑稱後普光園院、尊卑分

次、良基工和歌、博覽彊識、諳悉典故、後醍醐

帝自隱岐還、具進儀物、扈衛之式、嘗歸心北

朝、且與足利尊氏直義等每相親好、興國元

中間亂離相尋、載籍散逸、文物憲章廢墜、不

備、良基斟酌舊儀、應問明晰、考據正確、為光

明以下五朝師範、以與足利氏親、諸家舊記、

多所獲、以故充闡日滋、朝廷幕府、賴質正焉、

參取諸書大意所著有御禊記、神葉日記等書、行于

世、仁和三種和寺書籍目錄○世傳後光嚴即位、無

尊氏擬寶劔、臣擬神璽、足矣、勿患、七子長師

無神器也、然諸書所不載、今不取、良次師嗣、餘皆為僧、尊卑分師良師嗣、竝終於

貴顯、尊卑分攝關次第、藤原公賢、左大臣實泰子、延慶中任參議、正

和文保間、累進正二位、為大納言、嘉曆元年

兼右近衛大將、右馬寮御監、公卿補任以後醍醐

帝寵姬廉子假父、累被寵暱、女院小傳元德二年

拜內大臣、元弘初、辭官職、及車駕還、自隱岐、

大日本史 卷一百三十八 列傳 五

復內大臣兼式部卿尋授從一位右大臣兼

春宮傳公卿補任足利尊氏再犯京師公賢從幸

延曆寺諸異本太平記後事光明院為左大臣正平

中拜太政大臣尋解之尊氏請降後村上帝

將還京師以公賢為左大臣公卿補任兼後院別

當手詔劇司庶務隨宜處決既而男山不守

園太曆又事後光嚴院薙髮號空元公卿補任十五

年四月薨時年七十園太曆系圖公賢家多

藏書博覽弘識閑習禮典雖既解台司以宿

望稱光明院以降每事諮詢時經兵革朝儀

廢缺賴其多所裨正所著有園太曆皇代曆

歷代最要鈔略代鈔園太曆○本書又載歷

最要鈔別名也子長實世次實夏餘十四子皆為僧

園太曆系圖實世自有傳實夏建武中為記

錄所寄人公卿補任建武二年記任權左中辨後事光

明崇光二主敘從三位任參議進權大納言

公卿補任正平七年蒙詔詣行宮特由本資權左

中辨擢權中納言正三位聽以其參議從三

大日本史 卷一百三十一

列傳

六

位等敘任追繫于延元興國中官籍因屢往
 來奉事無幾還事後光嚴院復本官園太終
 至從一位內大臣兼左近衛大將公卿補任
 三子公定公為公賴園太曆系圖公定官左
 大臣從一位公卿補任園太曆精譜學著尊
 卑分脈若干卷尊卑分脈
 藤原資名權大納言俊光之子權中納言資
 明之兄也尊卑分脈後伏見法皇時深被眷遇增鏡
 後醍醐帝朝累遷至正二位權大納言公卿補任

初伏見帝立北條貞時定策後深草龜山兩
 帝之後迭續皇統後深草之後曰持明院時
 後醍醐帝以龜山帝孫即位立後伏見法皇
 皇子量仁為皇太子帝方有除北條高時之
 謀法皇欲令量仁早即位密告其事於鎌倉
 元弘元年北條高時遣兵至京師帝竊出宮
 幸笠置高時兵攻陷之幽帝于六波羅大佛
 貞直等請傳神器於量仁帝不肯授仲時等
 強請不已帝乃令資名及源具親以新器傳

大日本史

卷一百三十一

列傳

二

量仁、遂遷帝於隱岐、光嚴卽位于京師、資名
最被寵任、管其樞要、三年天下義軍竝起、進
入京師、資名及弟資明遽促光嚴院、入保六
波羅、北條仲時等戰敗、奉光嚴院及後伏見
花園兩上皇東奔、資名及藤原經顯等從、至
近江番馬、從軍大潰、光嚴及兩上皇爲守良
親王所得、資名以光嚴之腹心、懼不得脫罪、
削髮遁去、無何高時伏誅、車駕還京、太平廢
光嚴院爲太上皇、遜居持明院、皇年代資名

屏匿數年、會足利尊氏之亂起、初熊野別當
道有素善資名、及尊氏西奔、患師無名、有欲
援立持明院皇統、以兩主之爭奪爲辭之意、
遣道有京師、密致其意於資名、資名便請廢
主之宣、使僧賢俊齋賜尊氏、尊氏遂率鎮西
兵長驅入京師、據東寺爲營、新田義貞奉帝
幸延曆寺、令太田全職護送花園法皇及廢
主、至延曆寺、光嚴院素與尊氏通謀、途稱疾
作、駐駕於法勝寺、既而尊氏入京巷戰、全職

將赴之、謂光嚴左右曰、敵兵迫矣、諸君留候少康、當促駕前來、資名便以法皇光嚴歸尊

氏于東寺、於是皇統兩立、天下遂分為南北

矣、太平記○按本書曰、全職留光嚴、以法皇及豐仁親王而去、非也、今從北條家本、西

源院本弟資明、尊卑分脈

資明累官至正二位權大納言、公卿補任、六

波羅之敗、從新主東走、增鏡帝至自隱岐、詔宥

其罪、復官爵、公卿補任足利尊氏率鎮西兵、再犯

京師、資明從駕延曆寺、資明從駕據潛逃、從

光嚴院、入尊氏軍、尊氏以光嚴前有援於己、

欲復其位、眾以其寶祚不遂、北條氏覆宗為

嫌、太平記乃立光嚴院弟豐仁、是為光明院、天正

本太帝自延曆寺還御花山院、尊氏逼求神

器、帝又以新器授之、光明院立十二年、伊勢

國碓神戶有僧圓成、謁大神宮獲寶劍、齎造

資明、資明與足利直義平野神主卜部兼員

等謀奏進之、其言曰、圓成將謁神宮、浴於海

潮、有物炫曜、漂寄、長十握許、柄如三鈷、持詣

神宮忽有一童、為物所憑、指圓成謂曰、治承以來、王室多難、天下屢亂、實由無寶劍以護皇位也、今天祖敕海神、故致之、此僧所持是也、祭主等具記其事、圓成持之將赴京師、途禱長谷寺、○長谷寺據天正本、而宿、傍有人謂曰、今宵吾夢以法師言達天子、吾子豈是邪、問其人即資明門客也、光明院大喜、任圓成大僧都、賜攝津葛葉關稅、內大臣藤原經顯諫之、光明院從之、還其劍而納之平野社、太平

記正平八年薨、年五十七、

園本曆、常樂記、

藤原經顯、權中納言、定資子也、初事後醍醐帝、任參議、及帝幸隱岐、留事光嚴院、任中納言、歷事崇光、後光嚴、後圓融、四主、甚見親任、累官至從一位、內大臣、公卿補任、甚被親任、據太平記、與藤原資明爭權、相軋、資明進寶劍于光明院、事極迂誕、經顯諫曰、寶劍埋晦、百六十餘年于今矣、其出當在治世、何於擾亂之時、若夫應聖德之隆、則須天下安寧、今禍難屢起、兵革

不弭其出不知因何應也臣以謂此事出資
明姦詐佞臣阿諛欺罔聖聰陛下以為信然
恐取笑於天下且葛葉關稅賜東大寺日久
矣今無故奪之僧徒必生怨訴請速追先旨
還與東大寺如舊光明院從之遂遣還之平太

記由是益相惡焉異本太文中二年薨年七

十六公卿補任稱芝山内大臣又稱勸修寺

尊卑分脈

大日本史卷之百七十八終

